



草窓韻語四葉

吳郡

龍氏

齊夏人  
周家公謹父

瀟湘八景

周氏

金氏

朱氏

詹氏

平沙落鴈

沙閣凍痕吹折葦  
淡日黃雲照灘水  
風翻斜

陣下滄茫一笛漁  
謠又驚起翩翩弄  
影聲彌

寒帛書萬里來長  
安稻梁多處有矰  
弋何如

煙月江湖寬

遠浦歸帆



空江沄沄鳥飛疾別浦斜陽觚影直水程依  
約鴈前回日日沙頭候風色江蘼搖落三湘  
秋雲中烟樹誰歸舟危檣數盡碧雲合人倚  
高樓生暮愁

山市晴嵐

黃陵廟前湘竹春鼓聲坎坎迎送神包茶裹  
鹽作小市雞鳴犬吠東西鄰賣薪博米魚換  
酒幾處青帘扶醉叟趁虛人散渡船閑一抹  
晴烟隔高柳

江天暮雪

鴈吹斷字沙草黃  
竒寒栗栗吹連檣  
蓑翁晚歸絕空闊  
雨花零亂春茫茫  
白天四垂楚山老  
薄暮瓊瑤失洲島  
燎衣閉戶且醉眠  
誰肯扁舟訪安道

洞庭秋月

西風始波木葉下  
廣樂誰張洞庭野  
玉光千頃浸明河  
露泣珠房冷鉛瀉  
飛吟一劒風泠泠  
桂香倒射魚龍腥  
何人扁舟弄孤笛  
尚疑

鼓瑟聞湘靈

蕭湘夜雨

蘋花夜黑水鳥鳴橋危路滑無人行酸風蕭瑟浪鏜鞳濕螢熠熠漁燈明飛蓬入葦響洲渚暗憶西窓剪燈語書船穩繫聽秋聲倦客吟騷夢三楚

煙寺晚鐘

半空蘭若嵐翠霏千點萬點林鴉歸疎烟滅沒冷旂影沉沉綠樹生春暉孤鐘殷殷度殘



霧響透松梢慘將暮山林暝色失浮圖隔岸  
殘僧尚呼渡

漁村晚照

瀟湘二水波相連魚梁蟹舍西風前斜陽兩  
岸山紫翠村村網罟懸秋煙漁家釣水無徵  
稅日日得魚供晚醉世塵不到一絲邊中有  
唐虞千古意

送友人歸吳

吳船花外發欲去重躊躇後會定何日相思

頻寄書曉林啼帝鬼春網薦王餘笠澤維梢  
處曰尋魯望居

月上人退居

不受諸方供枯禪入遠林水涵清淨影月印  
去來心夕炷黃蓮冷雲窠碧草深淡然遺世  
慮松籟起清音

山房首夏

花過園池日漸長嫩陰青子蔭苔牆四簷笏  
戟排庭綠一畝荷簪發桼芳熟選已無青紫

夢命騷猶愛蘭編香惡圓用拙從吾好傲懶  
後人笑漫郎

餘杭道中

機舟山水縣暝靄翳孤蓬斷港苔花雨踈籬  
柿葉風炭煙迷塢黑稻色入炊紅埜興資遊  
事閒情幾處同攀和詩林壑幽憂寒水掛千  
丈  
遊冷泉次陳體忠二十韻  
風簾合  
地僻多清事林深遠暑威短橈浮曉漲瘦策  
破烟霏討勝穿雲嶠尋幽入翠微澗沙金作



色池水玉生肥小立評詩板遲留坐釣磯洗  
苔題石壁愛竹款山扉訪古尋唐記逃禪下  
梵幃慮空流水淨情嬾片雲飛遠壑風聲合  
幽厓日影稀峻攀時倚杖埜涉屢褰衣桂子  
雙峯葦蒼香一徑崎新蜩響清晝孤窠唳斜  
暉古蔓虹千尺靈杉翠十圍壑雷晴亦雨花  
露午方晞松老飄殘粉蘭芳迤暗菲鳥鳴知  
自樂猿下為忘機泉上亭尤古山榭塔更巍  
身閑發深省心靜悟前非何日辭塵鞅終當

脫世鞿舊盟泉石在我欲賦來歸  
病愈即事

病嬾空憐負壯圖盛年齒髮已凋疎棲遲輅  
下如老驥展轉書間似蠹魚瞑目自持存息  
法閉門重廣絕文書花開頓覺身強健行藥  
窓前喜自如

宮詞

十仞雕牆千步廊宮槐簇簇柳行行落花已  
被春分付紫禁門深又夕陽



寂寂長門白日長  
容華銷盡不成妝  
深深下却鮫綃帳  
怕引楊花入繡牀

舜殿薰風拂五絃  
午陰斜轉御廊前  
幾多長養生成意  
盡入吾皇解愠篇

翦翦輕寒入夾衣  
夜深不語倚金扉  
珠簾半下踈踈雨  
聽得笙謠小殿歸  
沈沈禁漏蠟花殘  
侍宴歸時午夜闌  
新燕乍來人獨睡  
夜深風雨作新寒

宮梅千樹照瑤池  
香玉浮春泛寶卮  
喜聽梨

園新口號後宮今日命昭儀  
排當初開喜雪筵近臣表賀玉墀前  
君王寂念三邊冷賞賜全支內庫錢  
鴈霜寒透水晶簾燭短香殘不喜添  
忍負玉樓今夜月寶箏閑理十三絃

隱居  
深杜衡門謝往還不將名字落人間  
地偏侔蔚蓬蒿徑塵遠淵明松菊關  
事有難言惟袖手人無可語且看山  
幾年不到門前樹相對

清溪盡日閑

宿僧房

宿寄禪房靜雲深路暗通  
冷煙凝夜白秋葉學春紅  
虎嘯三更月僧禪一榻風  
境清不成寐竟夕共談空

對月吟仿白體

前宵有酒無月明昨宵有月樽  
無酒世間二美尚難并  
萬事紛紛復何有有酒無月醉不  
成有月無酒月笑人今宵月好酒亦好  
舉酒



屬月醺青春青春難留月易缺月下高譔天  
地闊開樽對月月入樽只愁醉殺樽中月

征婦怨

夢魂夜夜在天涯連歲音書不到家萬里心  
人成白骨春閨猶自卜燈花

次韻山莊雜詠

東嘯

長年如蠹魚書底兀兀坐人皆笑其迂吾計  
未為左嚼然一舒嘯萬籟相應和廬豈真吾

廬我亦自忘我淵明千載人身世一鳥過

西爽

昔人去手版拂袖歸故山圍然魚縱淵快若  
馬脫閑白石真可煮黃菊亦可餐與世雖異  
轍對山無赧顏爽氣不在山在我方寸間

商樂

秦儒避書炆逃難商山下安劉亦謾耳後世  
巧構寫智瓊果何人一笑示幻化蠻觸聊寓  
言此亦何足訝未知采芝人何如種桃者

子牟魏闕心身在江湖外安知山林隱不若  
居廛大心苟無所羈居然謝塵械莞然碧山  
笑贅甚愚溪對無處寫閑情意與雲俱在  
蒼翠

衡湖足秋水結屋秋水邊水邊復何有翠壁  
森吾前采之美可茹釣之食有鮮彼美山中  
人霞裾正孤寒山色無四時相對惟蒼然



平池落金雨野徑棲綠雲泠泠九天風月底  
吹清馨暇日足勝遊臨池結漚盟相期在歲  
寒抱節同孤貞君能賦招隱我欲記墨君

春意

天上種碧桃結實歲八千人間蔣花柳春逐  
時序遷何如庭前草風月長無邊圍身化國  
中物物熙熙然至人觀物初獨立春風前

生香

勾萌日條達生意腔子滿一氣自流行色香